



**sindicato
labrego galego**
comisións labregas

membro de:



Gabinete de Prensa - R/ Ofelia Nieto 13-23, baixo. 15705 . Santiago de Compostela
981 554 147 / 649 541 773 prensa@sindicatolabrego.com www.sindicatolabrego.com

**Comunicado de
prensa do SLG**

19-11-2015

O Ministerio de Agricultura saca da manga un novo trámite burocrático para poder cobrar as axudas do sector lácteo

O Ministerio de Agricultura vén de publicar un aviso mediante o cal insta a cumprir novos trámites ás persoas beneficiarias das axudas destinadas a compensar as dificultades económicas no sector lácteo, publicadas no real decreto 849/2015. En efecto, tras pasar todo o proceso burocrático necesario para obter esta axuda, agora o Ministerio anuncia que é necesario que as persoas beneficiarias realicen unha declaración responsable de non incorrido en ningunha das prohibicións previstas do artigo 13 da Lei 38/2003 da Lei Xeral de Subvencións.

Aínda que se trata dun trámite sinxelo, o feito de ter que facelo cando o proceso de solicitude e concesión estaba teoricamente rematado, é unha boa mostra da improvisación coa que o Ministerio de Agricultura está actuando na crise do sector lácteo, quizais movido polas présas que lle marcan as Eleccións Xerais de decembro. Para abondar máis neste xeito trapalleiro de facer as cousas, a aplicación informática para realizar este trámite está fallando e, por riba, nas oficinas agrarias comarcais da Galiza non saben nada desta nova esixencia do Ministerio de Agricultura.

Dende o Sindicato Labrego Galego sospeitamos que se podería tratar dunha comenencia para que máis dunha persoa beneficiaria perda a subvención por despiste; sendo malpensados, até poderíamos pensar que o Goberno quere que o pagamento da axuda coincida coa campaña electoral. Sexa cal sexa o motivo, esiximos do Ministerio de Agricultura que notifique a cada unha das persoas beneficiarias desta axuda o novo trámite, así como a disposición das oficinas agrarias comarcais para que as asesoren para solventar este novo requisito.

Saúdos do gabinete de comunicación do Sindicato Labrego Galego

Se desexan máis información, poden falar co técnico asesor da Executiva do SLG, Xosé Ramón

Cendán, no 619 900 002